

## Tharaka - Gîkîrundu Ndûa Maandîko Maatheru - SW Intro Scriptures

Ruka 17:5 Atûmwa beera Mwathani, "Mwathani, twongeere wîtîgio bwetû!"  
ARooma 10:17 Kwoogu, muntû eetîgagia kuumania na kwîgua, na antû beegagua  
kûrî na muntû wa kûbatûmîria Kîrîstû.

Ruka 11:1 Ntugû ûmwe Yiesû naakari bantû akîrombaga Ngai. Akûrîkia, mûrutwa  
ûmwe wake amwîra, "Mwathani, tûrutane kûromba ta Njoana bûra aarutanire  
arutwa baake."

1 Timotheo 2:1-4 Kwoogu ûntû bwa mbere bûra mbenda kûbûkinyîria n'atî,  
rombagaani maromba ma mîthembâ yonthe na cookagîriani Ngai nkaatho  
n'ûntû bwa wakîra muntû. 2 Rombagîraani anene na antû bonthe bara barî na  
watho bwa kwathana, kaingo tûûmba gûtûûra ûtûûro bwa ûkiri na bwa thîrî,  
tûrî na ûngai kûrû, na tûrî na nthoni imbega. 3 Ûntû bûbu i bwega mûno na  
ibûkenagia Ngai Mwonokia wetû, 4 n'ûntû we eendaga antû bonthe boonokua  
na bamenya ûmma, nwîgue n'ûû.

Ruka 22:31 Yiesû eera Simioni Petûrû, "Simioni, thikîria! Saitaani abangîte  
kûgeria woora ûmwe wacienu aathûrane mwere na maûngû.

Cakaria 3:1,2 - Njunda 1:9 ûntû kinya mûraîka ûra mûnene, Mikaeri, ataarûtha rîra  
baakararanagîria kiimba kîa Musa na Nkoma. Mikaeri ataûmîria kûmîrûma  
kana amîira mûgambo ûmûthûûku. Bûra Mikaeri aamîrire n'atî, "Mwathani  
aroogûkaania!"

AEbeeso 6:12 Tûtikûrûa na antû, tûrîrûa na anene ba ûthûûku, aathani, mainya  
ma mwindu ma nthîgûrû, na ûthûûku bwa gîkîrundu bwa îgûrû.

AEbeeso 6:10,11 Nkîthiria, ka mbwîreeni bûkarage bwîrikîtie bûrî ndeni ya  
Mwathani na ndeni ya inya yake ïnene. 11 Thûkiani mathaga monthe ma ndûa  
ma Ngai, kaingo bûûmba kwîrigîria kîrî mîbango ïmîthûûku ya Nkoma.

AEbeeso 6:13-17 N'ûntû bwa ûgu, thûkiani mathaga ma ndûa monthe ma Ngai,  
kaingo bûûmba kûrûa bwega rîra Nkoma akaabwithûkîra. Bwarûtha ûgu  
bunthe, rîru bûrûngame bwîrikîtie. 14 Kwoogu ïthuuranîreeni. Îbogeeni ûmma  
ta mûciibi kauna. Ogeeraani wagîru ta ïthaga rîa kûrigîria kîbara  
gîtigaatonywe. 15 Kwîthuuranîra kwenu kûthi gûtûmîria ntheto ïmbega ya ûkiri,  
ikwîgue i ku iraatû bienu. 16 Îgiita rîonthe tûmagîraani wîtîgio bûrî rong'o yenu  
kaingo bûûmba kûrigîria mîguî ya ûra mûthûûku, rîa ïrî mwanki. 17 Îkîraani  
wonokio bûrî nkoobia rîa ïrigagîria kîongo gîtigaatonywe. Thûkiani rûyiû rwa  
Kîrundu rûrî kiugo kîa Ngai.

Albrania 4:12 Kiugo kîa Ngai i ta gîntû kîrî mwoyo na kîrî inya. Ûûgî bwa kîo i  
nkûrûki ya bwa rûyiû rwa gûtema na mbarî irî ciîrî. Gîtûtemaga gîgakinyîra  
mwoyo na nkoro gîkoonania bûra mawîrîria na mathûgaanio ma nkoro cietû

makari, ta bûra rûyiû rûûmba gûtema mîndî rûgakinyîira ûthuumo.

Ruka 4:8 Yiesû amîcookeria amîira, "Kwandîkîtwe Maandîkooni Maatheru, 'Ûтикаагонгe kana ûtûmîkîra ûngî tatiga Mwathani Ngai waku wenka.' "

AEbeeso 6:18 Kwa inya ya Kîrundu Ûmûtheru rombagaani rîonthe maromba ma mîthembâ yonthe na ûragiani bunthe bûra bûkwenda bûrûthîrwa. Na kaingo bûûmba kûrûtha ûgu, karagaani bwîcûûbîrîte. Karagaani bûkîrombagîra antû ba Ngai bonthe.

1 Samweri 17:45-47 - NDaundi & Goliath

Ruka 10:17-20 Arutwa babu mîrongo mûgwanja baacooka bakeneete mûno.

Beera Yiesû, "Mwathani, wana irundu biithûûku ibigûtwathîkîra riitwaani rîaku." 18 Yiesû abeera, "Mbonire Saitaani yarûka ta rweni bûra rwarûkaga kuuma îgûrû. 19 Imbwete inya ya gûkinya njoka na ing'aarurî. Na nkabwaa kinya inya îkûrûkîite ya mûnþû wetû, gûtirî kîo gîkaabûthûûkia. 20 Îndî bûtigaakeneeni i kwîgua irundu bithûûku ibikûbwathîkîra. Kenagaani n'ûntû mariîtwa meenu imaandîke îgûrû."

2 AKorintho 10:3-5 N'ûmma tûtûre nthîgûrû, îndî tûtirûaga ndûa îmwe na bara barî ba nthîgûrû. 4 Tûrûaga na into mwanya na bira nthîgûrû îtûmagîra kûrûa na bio. Into bira tûtûmagîra birî inya ya Ngai na nwa tûbitûmire kwomborania gûntû kunthe kûra mûnþû eebithaga. 5 Twînyangagia na bio nkarari cia ûrongo, tûkomborania kîrîgîria kîonthe kîra eekumia beekagîra antû kaingo baregana na ûmenyo bwa Ngai, na tûkagwata mathûgaania monthe tûgatûma maathîkîra Kîrîstû.

2 Timotheo 1:7 Kîrundu ûra Ngai aatwere ti kîrundu wa gûtûkîra ûguaya. I kîrundu wa gûtwaa inya, wendo, na inya ya kûgiria mwîrî ûkwatha.

Mathayo 12:28,29 Îndî ûkaaya kwîgua mbîngatagia irundu biithûûku ngîtûmagîra inya ya Kîrundu wa Ngai, i mma ûnene bwa Ngai ibûbûkinyîrîte. 29 "Arô rî, n'ata muntû abunjia nyomba ya muntû arî na inya akathûkia into biake na takâ? Nwanga akaamba akamûthaîka na îkanda, rîru i rîo athûngîra nyomba akamûtunya into.

AEbeeso 1:13 Kinya biû ibwagwatire ntheto ya mma, ntheto îmbega îra îbwonokagia. Rîra bwetîgiirie Kîrîstû, Ngai noonaniirie na mma bûrî baake na njîra ya kûbwaa Kîrundu Ûmûtheru kûringana na wîrane bwake.

Ngûgî 19:6 Paûrû akûbaigîria njara, Kîrundu Ûmûtheru abeendamîira. Baanjîria kwaria na nthiomî mwanya mwanya, na baatua kûroria.

Maariko 16:15-18 Yiesû abeera, "Îthiini nthîgûrû yonthe bûtûmîrie ntheto îmbega kîrî antû bonthe. 16 Ûra ageetîgia abaatithue, akoonokua. Îndî ûra atagîtîgia akaagiitîrwa îgamba bûûthûûku mûno. 17 Bara bageetîgia, kwa riitwa rîakwa bakeewa inya ya kwîngatia irundu biithûûku bikauma kîrî antû. Na bakaaragia na nthiomî ingenî. 18 Bakaaya kûgwata njoka, kana bakanya cûmû, gûtirî bu bagaakara. Bakaigagîria aayie njara bakoora."

1 Njoana 1:9 Îndî tûkaaya kuumbûra meeyia meetû kîrî Ngai, we i mwîtîgua na wa ûmma. Agatûrekera na atûthambie maûthûuku monthe.

Cabuurî 109:17 - Njakubu 3:10 Atî kanyua wakamwe nwa ko kaumaga mîgambo ya nkaatho na ya kûrîkana. Aruayia na aarayia, ûûgû ti bu kûbatîrue kwîgua gûkari.

Judges 16:16 - 2 Petûrû 2:7,8 Ngai i Rooti oonokiirie. Aarî muntû ûmwagîru. Rooti naatangîkaga mûno i mîkarîre îtarî mîega ya antû babu baaregeete kwathîka. 8 Muntû ûyu mwagîru aatûûranagia na antû babu. Na naanyamaaraga mûno nkorooni i mantû marabaarûthaga mataagîrîte, mara oonaga na mara eegagua kîra ntugû.

AEbeeso 4:26 Bûtikaareke mûthûûro ûtûma bwîyia. Bûtikaareke riûa rîthûa bûthûûri.

ARooma 14:12 Kwoogu nwa mwanka woora ûmwe wacietû akeegua arî na bwa kwîra Ngai kuumania na mara monthe akeegua arûthîte.

1 Njoana 2:23 Ûra aregeete Mwana naregeete Îthe. Ûra eetîgagîra Mwana arî na ngwanatîro na Îthe.

Njoana 14:6 Yiesû auga, "I niû njîra, ûmma na mwoyo. Gûtirî we athiyaga kîrî Baaba atakûrûkîrîte kîrî niû.

Mathayo 11:28-30 "Ncûûni bwinthe bara bûnogeete i gûkamata mîrigo îmîrito mbûnogokie. 29 Thûkiani gîcooki gîakwa bwîkîre mbûrutane bûnogoke nkoro n'ûntû niû ndî ûmûbooreeru na indînyîtie. 30 Gîcooki gîakwa i kîûthû na mûrigo ûra nkaabwaîkia n'ûmûûthû."

2 AKorintho 6:2 Ngai augîte, "Ndabwîgiirue kagiita kara kaagîrîte ndabûteethia ntugû ya kwonoka." Ga nkûbwîra, "kagiita kara kaagîrîte" n'îindî, na "ntugû ya kwonoka" n'îindî.

ARooma 10:13 Wata bûra kwandîkîtwe Maandîkooni Maatheru, "Ûra wonthe eetaga Mwathani amwonokia, Mwathani akamwonokia."

Exodus 20:5 - sin cursed to 3 & 4 generations

Pastor T. John Franklin  
Church of Salvation, Healing, and Deliverance  
COS-HAD.org